

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 34/03 i 65/13), a u skladu sa članom 64. Zakona o zdravstvenoj zaštiti ("Službene novine Federacije Bosne i Hercegovine", broj: 46/10), članom 21. Statuta Javne ustanove Zavod za javno zdravstvo BPK Goražde ("Službene novine BPK Goražde", broj: 11/15), i Kriterija za imenovanje u upravne odbore zdravstvenih ustanova i Zavoda zdravstvenog osiguranja Bosansko-podrinjskog kantona Goražde ("Službene novine BPK Goražde", broj: 2/04), te Zaključkom Vlade Bosansko-podrinjskog kantona Goražde, broj: 03-04-2489/23 od 01.12.2023.godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, objavljuje:

PONIŠTENJE JAVNOG OGLASA

za izbor i imenovanje predsjednika i članova Upravnog odbora
JU Zavod za javno zdravstvo Bosansko-podrinjskog kantona Goražde

Poništava se Javni oglas za izbor i imenovanje predsjednika i članova Upravnog odbora JU Zavod za javno zdravstvo Bosansko-podrinjskog kantona Goražde, objavljen u dnevnim novinama „Dnevni avaz“ 25.10.2023. godine, na web.stranici Vlade Bosansko-podrinjskog kantona Goražde www.bpkg.gov.ba te u Službenim novinama Federacije Bosne i Hercegovine, broj: 83/23 od 27.10.2023. godine, i raspisuje:

PONOJNI JAVNI OGLAS

za izbor i imenovanje predsjednika i članova Upravnog odbora
JU Zavod za javno zdravstvo Bosansko-podrinjskog kantona Goražde

1. Objavljuje se Ponovni Javni oglas za izbor i imenovanje predsjednika i članova **Upravnog odbora JU Zavod za javno zdravstvo Bosansko-podrinjskog kantona Goražde**, i to:
 - tri (3) člana – predstavnika osnivača, od kojih jedan mora biti ispred kantonalnog Ministarstva,
 - dva (2) člana – predstavnika stručnih radnika Zavoda, od kojih jedan mora biti iz reda zdravstvenih radnika
2. Opis pozicije člana Upravnog odbora: zajedno sa ostalim članovima i uz konsultacije sa Kantonalnim ministarstvom za socijalnu politiku, zdravstvo, raseljena lica i izbjeglice i osnivačem: upravlja ustanovom, donosi Statut Zavoda uz saglasnost Skupštine Kantona i druge opšte akte za čije je donošenje ovlašten zakonom i Statutom ustanove, imenuje i razrješava direktora, utvrđuje planove rada i razvoja ustanove, utvrđuje godišnji program rada, donosi finansijski plan i utvrđuje godišnji obračun, Pravilnik o sistematizaciji, odlučuje o svim pitanjima obavljanja djelatnosti radi koje je Zavod osnovan, ako Zakonom nije određeno da o tim pitanjima odlučuje drugi organ, usmjerava, kontoliše i ocjenjuje rad direktora, utvrđuje blagajnički maksimum, odlučuje o prigovoru radnika na rješenje kojim je direktor odlučio o pravu, obavezi i odgovornosti radnika iz radnog odnosa, podnosi osnivaču izvještaj o radu i poslovanju Zavoda, odgovara osnivaču za rezultate rada Zavoda, a rezultate rada Zavoda, obavlja i druge poslove u skladu sa Zakonom, osnivačkim aktom i Statutom ustanove.
3. Pored općih uslova propisanih Zakonom o ministarskim, vladinim i drugim imenovanjima Federacije BiH, kandidati moraju ispunjavati slijedeće uslove:
 - da imaju završen VII ili VI stepen stručne spreme zdravstvenog ili društvenog smjera (prednost se daje kandidatima koji imaju završen fakultet zdravstvenog usmjerenja, kao i specijalizacije iz djelatnosti zdravstvene ustanove) izuzetno ukoliko se vrši kandidiranje u upravne odbore zdravstvenih ustanova ispred uposlenika zdravstvene ustanove, kandidati mogu imati i završen IV stepen stručne spreme zdravstvenog smjera,
 - da imaju najmanje 3 (tri) godine radnog iskustva u poslovima iz struke,
 - da imaju stručno znanje iz djelatnosti zdravstvene ustanove, te da su upućeni u sadržaj i način njenog rada,
 - da nisu direktori zdravstvene ustanove, odnosno Zavoda (ovjerena izjava),
 - da nemaju privatni-finansijski interes u Zavodu u čiji se upravni odbor kandidiraju (ovjerena izjava),
 - da nisu članovi upravnog odbora u više od jedne zdravstvene ustanove, odnosno Zavoda (ovjerena izjava)
4. Uz prijavu na javni oglas, koja sadrži kraću biografiju, adresu i kontakt telefon, kandidati u obavezni naznačiti na koju poziciju se kandiduju i iz kojeg reda.
5. Kandidati su dužni priložiti slijedeću dokumentaciju (original ili ovjerenu fotokopiju):
 - Dokaz o završenoj školskoj spremi,
 - Uvjerenje o radnom iskustvu u struci,
 - Izvod iz matične knjige rođenih,
 - Uvjerenje o državljanstvu (ne starije od šest mjeseci),
 - Uvjerenje da se protiv lica ne vodi krivični postupak, ne starije od tri mjeseca (Općinski sud),
 - Ovjerenu izjavu da kandidati nisu direktori zdravstvene ustanove, odnosno Zavoda i da nemaju privatni-finansijski interes u Zavodu.

Javni oglas ostaje otvoren 15 /petnaest/ dana od dana posljednjeg objavljivanja, a objaviće se u Službenim novinama FBiH, dnevnom listu „Dnevni avaz“, na službenoj web.stranici Vlade BPK-a Goražde: www.bpkg.gov.ba i Oglasnoj ploči BPK-a Goražde.

Prijave sa traženom dokumentacijom slati na adresu: **Ministarstvo za socijalnu politiku, zdravstvo, raseljena lica i izbjeglice BPK Goražde, ul. 1. Slavne Višegradske brigade 2a. Goražde**, sa naznakom: **«Prijava na Ponovni Javni oglas za izbor i imenovanje predsjednika i članova Upravnog odbora JU Zavod za javno zdravstvo BPK Goražde- NE OTVARAJ»**

Nepotpune i neblagovremene prijave neće se uzimati u razmatranje. Sve dodatne informacije možete dobiti na službenoj web.stranici Vlade BPK-a Goražde: www.bpkg.gov.ba , Oglasnoj ploči BPK-a Goražde ili direktno na kontakt telefon : 038/243-086.

**Ministarstvo za socijalnu politiku, zdravstvo,
raseljena lica i izbjeglice BPK-a Goražde**

